

ručicy, hlinjancach; 17) w Rodecach: pola: čertoweho kamjenja, khójny, křiža, pušćadla; na: skopcu, šlipjach, rynawcy, bukowcu, bojšach, swinjacych pućach; we: rjapcach, šijach, liščich jamach, drohawach, pod lipu, za přěčnikom, hoła hórka; 18) w Pomorcach: Čahanc, rokoćiny, delne smahi; na bětnařcy, za hunami; 19) we Wawicach: we: wachu, ponychu, na: wuparach, rabšku; 20) w Šekcach: majki (polo), na lindach; 21) w Něćinje: Na Kotowskim, na hajdeberku, dołhe wosrjedki.

IX. (15.) Hućinjanska wosada.

Zafarowane wsy: 1) Hućina (Guttau), 2) Brězyna (Brösa), 3) Hlina (Gleina), 4) Lemišow (Lemischau), 5) Nowa Wjeska (Huć. džěl, Neudörfel), 6) z Bukojny někotre khěže.

Cyrkej: Kóždu njedzelu a swjaty dzeń je najprjedy serbski a potom němski kemš, zeleny štwórtk, kermušu a Marje připowědanje pak jenož serbski; serbska spowědz je kóždy dvě njedzeli raz, w póstnym a adventskim času pak kóždu njedzelu; němska spowědz ma so 4 króc za lěto, tehdy je němska Boža služba prjedy serbskeje; hač před něhdže 15 lětami mějachu Němcy jenož 2—3 króc za lěto spowědz. Na serbskich kemšach je w přerězku 220, na němskich 25 posłucharjow, při poslednišich přeco tež někotři Serbja pódla. — Paćeřska wučba so serbski podawa; su-li hdy žane němske džěci, so te we wosebitych hodžinach němscy rozwučeju.

Fararjo: 16) Ludwik Lieckefett, * 1714 w Gedenstädt p. Hildesheima, † 15. meje 1787; 17) Jan Jurij Hejduša (přen. Grütznér), * 19. meje 1755 w Klukšu, najprjedy khwilu substitut přěńšeho, 1797—1821 (†); 18) Jan Bohalub Bajef (Beyer), * 21. hapr. 1797 w Smilnje, 1822—24, bu za fararja do Wjelećina powołany a wumřě tam 30. jan. 1829; 19) Jurij Ernst Mróz, * 14. aug. 1795 we Wjelećinje, syn tamnišeho fararja, 1819 pomocny předař pola swojeho nana, 1824 pomocny předař past. prim. Brücknera w Lubiju a 30. meje 1824 farař w Hućinje, 8. okt. 1834 w Malešecach, 1842 w Huscy, 1870 emeritowany, † 1872 w Budyšinje; 20) Jan Křesćan Nächster, * 8. jul. 1807 w Budyšinje, 1835—42, potom far. w Malešecach 1842—51 († 24. jul.); 21) Karl Herman Robert Rejda (Räde), 1843—63, hl. Bart.; 22) Jan Sommer, * 1834 w Malešecach, 1862 wyšši wučef w Lubiju, far. 1863—80, wot 1880 far. w Burkersdorf p. Frauenstein; 23) Jan Handrij Matyjk (Mättig), * 19. nov. 1852 we Wujezdze p. Ketlic, 1877 wyšši wučef na realcy w Budyšinje, 18. meje